



Broj: 01/04-11-4950-4/20
Sarajevo, 03.11.2020. godine

Na osnovu člana. 70. stav (1) Zakona o javnim nabavkama BiH ("Službeni glasnik BiH", br.:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj 34/08.- Prečišćeni tekst), gradonačelnik Grada Sarajeva, donosi

ODLUKU
o izboru najpovoljnijeg ponuđača putem Otvorenog postupka
I

Prihvata se ponuda ponuđača „Neimari“ d.o.o. Sarajevo, ulica Pijačna 70 71210 Ilidža, ponuda broj:589-X/20 od 29.10.2020. godine, zaprimljena na protokol ugovornog organa dana 29.10.2020. godine, broj protokola: 08-14-5867, za Izvođenje radova tekućeg održavanja unutrašnjeg uređenja prostora Muzeja Vijećnica u objektu gradske Vijećnice u Sarajevu, u postupku provođenja javne nabavke putem Otvorenog postupka.

II

Sa ponuđačem "Neimari" d.o.o. Sarajevo, zaključit će se ugovor o izvođenju radova iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj:01/04-11-4950-1/20 od 29.09.2020. godine, pokrenut je postupak javne nabavke za Izvođenje radova tekućeg održavanja unutrašnjeg uređenja prostora Muzeja Vijećnica u objektu gradske Vijećnice u Sarajevu.

Obavještenje o nabavci objavljeno je na portalu Agencije za javne nabavke broj: 1278-1-3-210-3-41/20 dana 08.10.2020. godine a sažetak obavještenja o nabavci objavljen je u Službenom glasniku BiH broj: 65/20 od 16.10.2020. godine.

Sa portala Agencije za javne nabavke, tendersku dokumentaciju je preuzelo 15 ponuđača.

U određenom roku za dostavljanje ponuda na protokol ugovornog organa zaprimljena je samo jedna ponuda i to ponuda ponuđača „Neimari“ d.o.o. Sarajevo.

Komisija za javnu nabavku imenovana Rješenjem gradonačelnika broj: 01/04-11-4950-2/20. od 29.09.2020. godine, izvršila je javno otvaranje ponuda dana 29.10.2020. godine.

Nakon otvaranja ponuda izvršena je detaljna analiza prispjele ponude gdje je utvrđeno da je ponuda ponuđača „Neimari“ d.o.o. Sarajevo, dostavljena u skladu sa tenderskom dokumentacijom, odnosno zahtjevima ugovornog organa.



Komisija za javnu nabavku je utvrdila cijenu prispjele ponude u iznosu od: 799.973,01 bez PDV-a, odnosno iznos od 935.968,42 sa PDV-om.

Odlukom o pokretanju predmetne nabavke kao i Obavještenjem o nabavci, propisana je procijenjena vrijednost u iznosu od 735.000,00 KM bez PDV-a.

Obzirom da se radi o objektu od kulturno-historijskog značaja za Grad Sarajevo i cijelu BiH, a kako bi se okončala pokrenuta procedura javne nabavke, ugovorni organ Grad Sarajevo je obezbijedio dodatnih 80.000,00 KM iz DOB-a 2020-2022. godina.

Također, Zakon o javnim nabavkama BiH, dozvoljava da ugovorni organ može zaključiti ugovor sa ponuđačem koji je dostavio veću cijenu ponude koja znatno ne premašuje procijenjenu vrijednost, ukoliko su obezbjeđena sredstva u Budžetu.

Imajući u vidu da je prilikom izbora najpovoljnijeg ponuđača u predmetnom postupku ispoštovana propisana procedura, Komisija za javnu nabavku sačinila je Zapisnik o pregledu i ocjeni ponuda dana 02.11.2020. godine, te dala preporuku gradonačelniku da se ugovor o Izvođenje radova tekućeg održavanja unutrašnjeg uređenja prostora Muzeja Vijećnica u objektu Gradske Vijećnice u Sarajevu, dodijeli ponuđaču „Neimari“ d.o.o. Sarajevo, ulica Pijačna 70 71210 Ilidža, sa ponuđenom cijenom u iznosu od 799.973,01 bez PDV-a, odnosno 935.968,42 sa PDV-om.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi ugovornom organu dokumentaciju u skladu sa tenderskom dokumentacijom.

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije gradonačelnik Grada Sarajeva donosi ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od 10 (deset) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

Gradonačelnik Grada Sarajeva

mr. Abdulah Skaka

Dostaviti:
-Ponuđaču
-a/a